



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epitome In Qvatvor Lib. Sententiarvm M. Petri Lombardi**

**Spina, Claudius de**

**Parisiis, 1551**

18. de proprietate Spiritus sancti secundum quam temporaliter procedit.

**urn:nbn:de:hbz:466:1-38840**

ait dilectionem Dei commemorari, non qua nos eum, &c. q. d. commemorat dilectionem Dei, non secundum quòd ea nos diligimus Deum, sed secundum quòd ipse ea nos diligit.

Quod verò adducunt ex August. 3. de *Cap. i.*  
Doctr. Christ. quòd charitas est motus ani-  
mi ad fruendum. & libr. de moribus Eccle-  
siæ dicitur virtus animi. Soluitur sicut dicitur *Cap. i.*  
Deus est spes nostra & patientia no-  
stra, quia facit nos sperare & pati. Ita chari-  
tas dicitur esse motus siue affectio animi:  
quia per eam mouetur & afficitur animus  
ad Deum diligendum.

*Corrolarium.*

**Q**uia per donum quod est Spiritus san-  
ctus, singulariter propria diuiduntur,  
concedendum est per donum  
dona donari. Vnde August. lib. 13. de Trini.  
ait: Per donum quod est Spiritus sanctus, in *Ca. 19.*  
commune omnibus membris Christi multa  
dona diuiduntur.

*De nomi-  
ne inquiri-  
tur quod  
conuenit  
Spiritui  
sancto, ra-  
tione suæ  
processio-  
nis.*

DE PROPRIETATE SPI-  
ritus sancti secundum quam pro-  
cedit temporaliter.

DISTINCT. Decimæ octauæ

*Questio.*

**Q**Uum Spiritus sanctus detur & done-  
tur, videtur quòd dici debeat donū &  
datum. quod Aug. lib. 15. de Tri.  
videtur dicere, Spiritus sanctus intantum do-  
num Dei, inquantum datur eis quibus datur.

*Responsio.*

*C A P . Secundum. Spiritus sanctus dicitur  
datum à temporalì processione, sed donum  
dicitur ab æterna*

**A**D quod dicimus quia Spiritus sanctus  
& donum dicitur, & datum siue dona-  
tum. Sed datum siue donatum ex eo  
tantum dicitur, quia datur vel donatur, quod  
habet tantum ex tempore.

Donum verò dicitur non ex eo tantum  
quòd donetur, sed ex proprietate quam ha-  
buit ab æterno. Vnde & ab æterno fuit do-  
num. Vnde August. 4. de Trinita. Sicut na-  
tum esse est Filio à Patre esse: ita Spiritui  
sancto donum Dei esse est à Patre & Filio  
procedere. Donum enim est Patris & Filij (vt  
ait lib. 5. de Trini.) quia & à Patre procedit  
& Filio. Cùm ergo ab æterno processerit, ab  
æterno donum fuit. Non igitur Spiritus san-  
ctus eo tantum dicitur donum, quia donatur:  
Nam & antè fuit donum quam donaretur.  
Sed quia sic procedebat vt esset donabile,  
iam donum erat antequàm esset cui dona-  
retur, vt ait Aug. suprà. Aliter enim intelli-  
gitur, cùm dicitur donum (quoniã potest esse

antequam donetur ) & aliter cum dicitur donatum, quod nisi datum fuerit, donatum non est.

Ex quo colligitur quod Spiritus sanctus non erat Patri aut Filio donabilis, sed nobis tantum donabilis processit, sicut & nobis tantum datus est: & Filius quamvis datus sit nobis, ab æterno tamen processit, non ut donabilis tantum, sed ut genitus, qui & donari posset, ut dicit August. lib. 15. de Trinit. ca. 14.

CAP. Secundum. Spiritus sanctus per processionem æternam non tantum accepit ut esset donum, sed & essentia.

*folio 17.*

**E**T notandum quod sicut Filius nascendo accepit non tantum ut Filius sit, sed omnino ut sit, & ut substantia sit: ita & Spiritus sanctus à Patre & Filio procedendo accepit non tantum ut Spiritus sanctus sit, vel donum, sed etiam ut omnino sit, & substantia sit. Quod utique non accepit ex eo quod datur, accepisset enim ex tempore ut esset, quoniam datur in tempore. Unde August. lib. 5. de Trinita. Filius non hoc tantum habet nascendo ut sit Filius, sed omnino ut sit. ca. 16.

*Questio.*

**S**I Spiritus sanctus procedendo ab utroque non tantum habet ut sit donum, sed ut substantia sit, sicut Filius nascendo: sequitur quod Spiritus sanctus processione substantia est, similiter & Filius natiuitate: *Sup. dist. 5.* quum tamen abbi dicatur quod Pater eo non est Pater, quo Deus est: nec Filius eo Filius, quo Filius est.

Ad quod breuiter respondentes dicimus, quia nec Filius natiuitate essentia est, sed tantum Filius: nec Spiritus sanctus processione essentia est, sed donum tantum: tamen uterque, vnus nascendo, alius procedendo accepit ut esset essentia, ut dicit Hilar. libr. 5. de Trinit.

*C A P. Tertium. Spiritus sanctus ut donum, refertur ad Patrem & Filium: ut datum, ad nos & ad eum qui dedit.*

**S**ecundum hoc quod Spiritus sanctus supernè donum est, refertur ad Patrem & Filium. Secundum verò hoc quod dicitur datum, vel donatum, ad eum qui dedit refertur, & ad eos quibus datur: & eius dicitur esse qui dat, & illorum quibus datur. Vnde August. libr. 5. de Trinit. Quod datum est, & ad eum qui dedit refertur, & ad eos quibus dedit. Itaque Spiritus sanctus non tantum Patris & Filij qui dederunt, sed

F

etiam noster dicitur qui accepimus.

*Spiritus  
Patris di-  
citur spi-  
ritus no-  
ster.*

Quòd autem Spiritus sanctus noster di-  
catur scriptura ostendit. Scriptum est enim *Luci.*  
de Iohanne quòd in Spiritu Helix venit. &  
Mosi ait Dominus: Tollam de Spiritu tuo  
quem iam dedi tibi. Ecce quomodo dicitur *Nu.ii.*  
Spiritus Helix & Mosi &c. Patet igitur  
quia Spiritus sanctus noster dicitur Spi-  
ritus, quia nobis datus: datus vtique ad hoc vt  
sancti essemus. Spiritus verò creatus nobis  
datus est vt essemus.

C A P. *Quartum. Filius Patris non  
dicitur Filius noster.*

**H**ic quæritur vtum & Filius, quum sit  
nobis datus, possit dici noster. Ad  
quod dicimus, quia Filius dicitur no-  
ster panis, noster redemptor: sed non dici-  
tur noster Filius, quia Filius dicitur tan-  
tùm relatiuè ad eum qui genuit. Sicut nec  
dicitur Spiritus sanctus noster, quia Spi-  
ritus sanctus eo dicitur quo donum est: ideo  
relatiuè dicitur tantùm ad Patrem & Fi-  
lium: quamuis dicatur Spiritus tuus, noster,  
vel illius, vt dictum est de Helix & Mose.  
Si tamen aliquando dicatur donum no-  
strum, accipitur pro donato vel dato.